

Tasdawit n Bgayet
Tasga n Tutlayt d Yidles n Tmaziyt
Aseggas Asdawan 2021/2022
Aseggas amezwaru
Almud : Tira
Massa BENAZZOUZ, K

Tamsertit

Tamsertit, tcudd yer temsilit, ur telli ara deg tira ; anamek n waya, nettentaq-itt-id kan maca ur tt-nettaru ara. D amyečči gar yimesla deg ususu. Nezmer ad naf tamsertit dixel n yiwen n wawal, akken day i nezmer ad tt-naf gar sin n wawalen ; gar usekkil aneggaru n wawal amezwaru akked usekkil amezwaru n wawal wis sin.

1- Tamsertit deg yiwen n wawal

Tettili temsertit yer taggara n wawal mi ara yemlil : “**d**” ney “**ḍ**” n uzar n wawal-nni akked “**t**” n wunti.

Imedyaten

Tira tumrist	Asusu
Tayaladt	[Tayalaṭ]
Tamnaḍt	[Tamnaṭ]
Tayaziḍt	[Tayaziṭ]

2- Tamsertit gar sin n wawalen

Akken i d-nenna deg tazwara, tettili temsertit gar usekkil aneggaru n wawal amezwaru akked usekkil amezwaru n wawal wis sin.

2-1- Tanzeyt “n”

Tamsertit gar :	Tira tumrist	Asusru
N + f	Axxam n Faɗma	[Axxam Ffaɗma]
N + l	Taqendurt n leħrir	[Taqendurt lleħrir]
N + m	Tamurt n Marikan	[Tamurt Mmarikan]
N + r	Ayyur n remɗan	[Ayyur rremɗan]
N + t	Uzzu n tasa	[Uzzu ttasa]
N + u	Ssem n udfel	[Ssem wwedfel] / [ggedfel] / [bbedfel]
N + w	Aħemmal n waman	[Aħemmal wwaman] / [ggaman] / [bbaman]
N + y	Lğerra n yilfan	[Lğerra yyilfan] / [ggilfan]

2-2- “m” n tenzeyt “am”

Tamsertit gar :	Tira tumrist	Asusru
M + w	Am wakka	[Ammakka]
	Am waman	[Ammaman]

2-3- Tanzeyt “d”

Tamsertit gar :	Tira tumrist	Asusru
D + t	Aqcie d teqciɗ	[Aqcie tteqciɗ]
	Ayyur d tziri	[Ayyur ttziri]

2-4- Tazelya n tilawt “d”

Tamsertit gar :	Tira tumrist	Asusru
D + t	D tamettut	[Ttamettut]
	D tawezlant	[Ttawezlant]

2-5- “d” n tzelya n wurmir “ad”

Tamsertit gar :	Tira tumrist	Asusru
D + n	Ad nali	[Annali]
D + t	Ad talim	[Attalim]
	Ad ten-nesteqsi	[Aten-nesteqsi]

2-6- Tazelya n tnilla “d”

Tamsertit gar :	Tira tumrist	Asusru
D + t	Ad d-tini	[Addini]
	Ad d-taf	[Addaf]

2-7- Amatar udmawan “d”

Tamsertit gar :	Tira tumrist	Asusru
D + t	Tekfid-t	[Tekfit]
	Tezrid-ten	[Tezriten]

2-8- Amassay “i”

Tamsertit gar :	Tira tumrist	Asusru
I + i	D nettat i isebren i ddel	[D nettat i gsebren i ddel]
I + y	D aya i yefhem	[D aya i gefhem]

2-9- “f” n tenzeyt “yef”

Tamsertit gar :	Tira tumrist	Asusru
F + u	Lhiy yef udfel	[Lhiy yeffedfel]
F + w	Γef wakken i d-nnan	[Γeffakken i d-nnan]

2-10- “g” n tenzeyt “deg” d “seg”

Tamsertit gar :	Tira tumrist	Asusru
G + u	Lliy deg udrar	[Lliy deggedrar]
	Subbey-d seg uzru	[Subbey-d seggezru]
G + w	Ufiy-t deg wasif	[Ufiy-t deggasif]
	Ihedder seg wanzaren	[Ihedder segganzaren]

Iswi agejdan n temsirt-a

Akken tebyum tneṭṭqem-d awal ideg tella temsertit, ur t-tettarum ara akken i t-id-tneṭṭqem ney akken i as-d-teslam. Ilaq ad yettwaru s tira tumrist akken i t-id-nessegza deg temsirt-a.